

C A I B. XII.

ainm mnà Abraim, Sarai; agus ainm mnà Nahoir, Milcah, nighean Harain athar Mhilcaih, agus athar Iscaih.

30 Ach bha Sarai neo-thor-rach^a; cha robh duine cloinne aice.

31 Agus ghabh Terah Abram a mhac, agus Lot mac Harain mac a mhic, agus Sarai a bhan-chliamhuinn, bean Abraim a mhic; agus chaidh iad a mach maille riu a h-Ur nan Caldeanach, gu dol do thìr Chanaain: agus thainig iad gu Haran, agus ghabh iad còmhnuidh ann an sin.

32 Agus b'iad lathan Theraih dà cheud agus cùig bliadhna: agus fhuair Terah bàs ann an Haran.

C A I B. XII.

A GUS thubhairt an Tighearna re h-Abram, Rach^b a mach a d' dhùthaich, agus o d' dhùibh, agus a tigh t'athar, do'n tìr a nochdas^c mise dhuit.

2 Agus ni mi thu a d' chinneach mòr^d, agus beannaichidh mi thu, agus ni mi t'ainm mòr: agus bithidh tu a d' bheanna-chadh.

3 Agus beannaichidh mi iad-san a bheannaicheas tu, agus iad-san a mhallaicheas tu mallaidhidh mi; agus annadfa beannaichear uile theaghlaiche na talmhainn.

4 Agus dh'imich Abram, mar a labhair an Tighearna ris, agus chaidh Lot maille ris: agus bha Abram cùig bliadhna deug is trì fichead a dh'aois 'nuair a chaidh e mach a Haran.

5 Agus ghabh Abram Sarai

a bhean, agus Lot mac a bhràthar, agus am maoin uile a chruinnich iad^e, agus na h-an-manna fhuair iad ann an Haran, agus chaidh iad a mach gu dol do thìr Chanaain, agus thainig iad do thìr Chanaain.

6 Agus chaidh Abram air aghaidh 'san fhearann gu àite Shicheim, gu còmhnaidh^f Mho-reih. Agus bha'n Canaanach 'an sin 'san tìr.

7 Agus dh'fhoillsich an Tighearna e féin^g do Abram, agus thubhairt e, Do d' fhìochd-fa bheir mise am fearann so: agus thog e 'n sin altair do'n Tighearna, a dh'fhoillsichheadh dha.

8 Agus chaidh e as sin gu sliabh air an taobh an ear do Bhetel, agus shuidhich e bhùth, agus Betel aige air an taobh an iar, agus Hai air an taobh an ear: agus thog e 'n sin altair do'n Tighearna, agus ghairm e air ainm an Tighearna.

9 Agus dh'imich Abram, a' sìr-dhol air aghaidh mu dheas^h.

10 Agus bha gorta 'san tìr: agus chaidh Abram sìos do'n Eiphit, gu bhi air chuairt ann an sin, do bhrìgh gu'n robh a' ghorta mòr 'san tìr.

11 Agus 'nuair a bha e dlùth do dhol a stigh do'n Eiphit, thubhairt e re Sarai a bhean, Feuch a nis, tha fios agam gur bean mhaifeachⁱ thusa re amharc ort:

12 Uime sin, 'nuair a chi na h-Eiphitich thu, their iad, So a bhean: agus marbhaidh iad mise, ach gleidhidh iad thusa beo.

13 Abair, guidheam ort, gur tu mo phiuthar, chum gu'n éirich

† C gu

^a fàsg; aimrid. *Eir.* ^b Imich, falbh. ^c dh'fheuchas. ^d ni mise fine mhòr dhìot. ^e chomhaich iad. ^f darag. *Eabb* ^g thaisbean an Tighearna e féin; chuncas an Tighearna. *Eabb.* ^h fa dheas, 'san àirde deas. ⁱ sgiamhach.